



IZVJEŠTAJ O RADU OPĆINSKIH INSPEKCIJA U 2022. GODINI I PROGRAM RADA OPĆINSKIH INSPEKCIJA ZA 2023. GODINU

Članom 132. stav (2) tačka 3. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05) propisano je da je inspekcija dužna najmanje jednom godišnje podnijeti pisani izvještaj o izvršenim inspekcijskim pregledima, o nađenom stanju, pojavama i problemima i o preduzetim mjerama, sa prijedlogom mjera koje bi trebalo preduzeti za otklanjanje utvrđenog nezakonitog ponašanja. U izvještaju se obavezno moraju obraditi vidovi i načini kršenja zakona i drugih propisa, nedostaci u propisima i predložiti u kojem bi pravcu trebalo mijenjati pojedina zakonska rješenja.

Postupak inspekcijskog nadzora, u skladu sa odredbama zakona i drugih propisa, provode državni službenici sa posebnim ovlaštenjima (inspektori) i to na način da neposredno vrše uvid u zakonitost rada, poslovanja i postupanja pravnih i fizičkih lica.

U izvještajnom periodu inspekcijski poslovi su vršeni kroz redovne i vanredne kontrole, kao i intervencije na osnovu usmenih i pismenih predstavlki stranaka. Postupajući po navedenom i zatečenom činjeničnom stanju preduzimane su odgovarajuće savjetodavne, upravne i prekršajne mjere kao i kontrola izrečenih mjera.

Poslovi inspekcijskog nadzora, odnosno komunalne, sanitarne, vodoprivredne, građevinske i putne inspekcije vrše se u okviru Službe Općinskog načelnika i Općinskog vijeća. Do donošenja novog Pravilnika o unutrašnjoj organizaciji službi za upravu Općine Maglaj („Službene novine Općine Maglaj“, broj: 13/22), poslove navedenih inspekcija obavljala su dvaj državna službenika i to jedan urbanističko-građevinski i putni inspektor i jedan komunalno-sanitarno-vodoprivredni inspektor. Navedenim Pravilnikom sistematizovana su radna mjesta tri državna službenika i to dva urbanističko-građevinska i putna inspektora i jedan komunalno-sanitarno-vodoprivredni inspektor.

Od 25.04.2022. godine Urbanističko-građevinski i putni inspektor se nalazi na bolovanju, tako da se Općina Maglaj susrela sa neizvjesnosti u vezi sa njegovim povratkom na rad, a popunjavanje ovog radnog mjesta na drugi način nije bilo moguće izvršiti (nemogućnost angažovanja inspektora iz druge općine; propisane uslove za inspektora u Općini Maglaj ispunjava samo jedan državni službenik koji nije mogao istovremeno obavljati poslove inspektora, zbog svojih redovnih radnih zadataka).

U toku je postupak popunjavanja upražnjenih pozicija u okviru općinskih inspekcija.


Izvještaji o radu općinskih inspektora sačinjeni su na osnovu dostupnih podataka, kao i njihovi programi rada za 2023. godinu.

Obrađivači:
Irma Mahmić
Jasmina Alić

Predlagač

Općinski načelnik Maglaj

Mirsad Mahmutagić







-Komunalno-sanitarni-vodoprivredni inspektor-

Broj: 06-45-1-894/23

Maglaj, 23.05.2023. godine

- OPĆINSKO VIJEĆE MAGLAIJ
- OPĆINSKI NAČELNIK MAGLAIJ

IZVJEŠTAJ O RADU

komunalno-sanitarno-vodoprivrednog inspektora za 2022. godinu

Nadležnost

Djelokrug rada općinske komunalne, sanitarne i vodoprivredne inspekcije proizilazi iz općih propisa koji se primjenjuju u vršenju nadzora: Zakona o državnoj službi u FBiH („Službene novine FBiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 - odluka Ustavnog suda); Zakona o organizaciji organa uprave u FBiH („Službene novine FBiH“, broj: 35/05), Zakona o inspekcijama Zeničko-dobojskog kantona („Službene novine Zeničko-dobojskog kantona“, broj: 6/11), Zakona o prekršajima („Službene novine FBiH“, broj: 63/14) i Zakona o upravnom postupku („Službene novine FBiH“, br. 2/98, 48/99 i 61/22), materijalnih zakona za svaku od tri inspekcije i odluka koje donosi Općinsko vijeće Maglaj, a koriste se u postupanju navedenih inspekcija.

Poslovi inspeksijskog nadzora nad primjenom zakonskih i podzakonskih propisa iz oblasti Komunalno-sanitarno-vodoprivredne inspekcije, sa ciljem osiguranja izvršavanja zakona i drugih propisa iz nadležnosti Općinske inspekcije, obavljani su prvenstveno po zahtjevima fizičkih i pravnih lica, kao i po službenoj dužnosti nadležnog inspektora.

Pod navedenim poslovima podrazumijeva se kontrola na praćenju stanja iz navedenih inspekcija, prikupljanje podataka o subjektima nadzora, preventivno, edukativno i korektivno djelovanje na subjekte nadzora, kao i sankcionisanje prekršilaca izricanjem upravnih, prekršajnih i drugih mjera, a potom i kontrolu izvršenja izrečenih mjera.

S obzirom na programske ciljeve Komunalno-sanitarno-vodoprivredne inspekcije u programu rada za 2022. godinu može se konstatovati da, s obzirom na okolnosti – produžetak pandemije COVID-19, nije bilo moguće provesti ih po inspekcijama kako je to planirano.

1. Komunalna inspekcija

Komunalno-sanitarni-vodoprivredni inspektor Općine Maglaj obavljao je inspeksijski nadzor po podnesenim zahtjevima fizičkih i pravnih lica i po službenoj dužnosti.

Shodno tome, tokom 2022. godine u djelokrugu rada komunalnog inspektora donesena su rješenja (na osnovu Zakona o upravnom postupku („Službene novine Federacije BiH“, br. 2/98, 48/99 i 61/22), kojim su naložene mjere fizičkim ili pravnim licima na otklanjanje utvrđenih nedostataka

itd., zatim razni dopisi, obavijesti, odgovori po podnesenim zahtjevima, pozivi strankama na izjašnjenje, upozorenje, službene zabilješke sačinjene na terenu uvidom na licu mjesta, službene zabilješke upućene Policijskoj stanici Maglaj.

Redovno se obavljao rad sa strankama, pri čemu je pružana savjetodavna ili pravna pomoć po koju su stranke došle, a koja je iz oblasti nadležnosti komunalne inspekcije.

I u 2022. godini najviše problema iz oblasti komunalne inspekcije bilo je u kontekstu pijace – nepostojećeg legalnog prostora za prodaju neprehrambenih proizvoda (odjeće, obuće i ostalog), potom problemi iz oblasti korištenja i održavanja zajedničkih dijelova i uređaja zgrada, problemi vezani za nedozvoljeno korištenje javnih površina (parkiranje automobila na zelenim javnim površinama, često nasipanje šljunka radi „obilježavanja privatnih površina“ za parkiranje automobila, sadenje voća ispred zgrada, i dalje problem nedefinisanih lokacija za odlaganje ogrijeva za zimu, kao i prisvajanje površina u vlasništvu Općine Maglaj, zatim problemi vezani za „izgrađene“, ili uopće neizgrađene septičke jame, gotovo u svim mjesnim zajednicama s obzirom da nije riješeno pitanje kanalizacije, neriješen problem odvodnje i čišćenja kanala slivnih i oborinskih voda u gradu, rješavanje problema pasa lutalica u mjesnim zajednicama i drugih problema.

U kontekstu navedenog, tokom 2022. godine u djelokrugu rada komunalne inspekcije doneseno je:

- 10 rješenja, upućeno 38 obavijesti strankama, 14 poziva i upozorenja strankama, 18 odgovora po zahtjevima stranaka, 24 zaključka o predmetnim upravnim postupcima
- izvršeno 38 inspeksijskih pregleda, kako po zahtjevima stranaka, tako i po službenoj dužnosti.

S obzirom da je inspektor prioritarno postupao u oblasti sanitarne inspekcije u odnosu na komunalnu, može se konstatovati da nisu u potpunosti ostvareni planirani programski ciljevi.

2.Sanitarne inspekcija

Pandemija izazvana COVID-19 virusom karakteristična je i 2022. godinu. Po službenoj dužnosti, u cilju provođenja posebnih mjera za spriječavanje i suzbijanje zaraznih bolesti, prvenstveno su obavljani poslovi iz oblasti sanitarne inspekcije, na način da je konstantno praćena situacija i vršen nadzor nad provedbom mjera za zaštitu stanovništva.

S obzirom na navedeno, Komunalno-sanitarni-vodoprivredni inspektor je, na osnovu podataka koje je dobijao od nadležnog Doma zdravlja, izdao 1308 rješenja sa naloženom zabranom kretanja van prijavljenog prostora boravka (izolacija), a koja su se odnosila na lica pozitivna na COVID-19 i lica koja su bila u neposrednom kontaktu sa zaraženim licima.

Uz svako doneseno rješenje (otvaranje predmeta), podrazumijeva se vođenje cijelog postupka-praćenje izvršenja rješenja, (eventualno pogoršanje zdravstvenog stanja, odlazak na bolničko liječenje, smrt pacijenta, napuštanje mjesta boravka u periodu zabrane kretanja), a samim tim i postupanje u skladu sa zakonskim odredbama u datim situacijama, do zatvaranja predmeta.

Prema situaciji, vršeni su kontrolni pregledi postupanja po preporukama izdatim od strane Instituta za javno zdravstvo FBiH u vezi sa COVID-19, a u skladu sa naredbama Kriznog štaba Federalnog ministarstva zdravstva i kriznog štaba Ministarstva zdravstva Zeničko-dobojskog kantona, koje su usvojene Zaključkom Vlade Zeničko-dobojskog kantona, kod privrednih subjekata, u poslovnim prostorima fizičkih lica-obrtnika, u javnim ustanovama, školama, dječijim vrtićima, kao i fizičkih lica. Kontrole su bile uglavnom preventivne, sa usmenim upozorenjima gdje je to bilo potrebno, kao i davanju uputa o obavezama njihovog provođenja.

U okviru poslova sanitarne inspekcije, nadležni inspektor je za 2022. godinu sačinjavao rješenja koja su se odnosila na COVID-19, zatim na otklanjanje raznih nedostataka koje su fizička i pravna lica bila dužna uraditi, podneske, zahtjeve, obavijesti (prema nadležnoj Kantonalnoj sanitarnoj inspekciji, Ministarstvu zdravstva Zeničko-dobojskog kantona, Institutu za zdravlje i sigurnost hrane, Policijskoj stanici Maglaj, fizičkim i pravnim licima kako bi bili obaviješteni o toku postupka koji se vodi, službene zabilješke, a sve u cilju što efikasnijeg postupanja u predmetima podnesenim po zahtjevima stranaka ili pokrenutim po službenoj dužnosti.

Shodno Zakonu o zaštiti stanovništva od zaraznih bolesti ("Službene novine FBiH", broj: 29/05), u izvještajnom periodu, izvršene su dvije obavezne preventivne sistematske deratizacije, od strane JU Institut za zdravlje i sigurnost hrane Zenica, a sanitarni inspektor je vršio pripremu i kontrolu izvođenja, te je izvršena i kontrola zdravstvene ispravnosti vode na području općine Maglaj.

Nadalje, po podnesenom zahtjevu izvršena je jedna ekshumacija, u skladu sa Zakonom o sanitarnoj inspekciji ("Službeni list SR BiH", br. 23/77,16/82, 13/83 i 15/90) i Pravilnikom o uslovima i načinu iskopavanja i prenošenja posmrtnih ostataka umrlih lica na teritoriji Socijalističke Republike BiH („Službeni list SR BiH“, broj: 7/78).

Osim navedenog broja Rješenja o zabrani kretanja fizičkih lica oboljelih od COVID-19 i jedne izvršene ekshumacije tokom 2022. godine, u okviru sanitarne inspekcije doneseno je:

- 5 obavijesti, kojim je sanitarni inspektor obavještavao lica o toku postupka koji su pokrenuti pred nadležnim organom.
- sačinjeno 10 službenih zabilješki, kojim je sanitarni inspektor konstatovao stanje na terenu, uvidom na licu mjesta, u predmetima u kojim je postupao po zahtjevima stranaka ili po službenoj dužnosti.

U izvještajnom periodu sanitarni inspektor je oglašavanjem putem RTV Maglaj, internet stranice Općine Maglaj www.maglaj.ba, Oglasne ploča općine Maglaj, putem obavijesti i upozorenja, upozoravao, obavještavao i upućivao stanovništvo općine Maglaj na koji način provoditi higijensko-sanitarnu protivepidemijsku mjeru, kako zaštititi radnu okolinu, osigurati i unaprijediti higijenske uslove na radnim mjestima i u domovima, na koji način provoditi sanitarnu mjeru, po pitanju ispravnosti pitke vode, kao i prostora, a sve u cilju sprječavanja nastanka zaraznih bolesti.

3. Vodoprivredna inspekcija

S obzirom na programske ciljeve vodoprivredne inspekcije u Programu rada za 2022. godinu može se konstatovati da nisu ostvareni u potpunosti, kako su planirani. Osnovni razlog su obaveze prioriteta postupanja iz oblasti sanitarne inspekcije u kontekstu COVID-19.

Izdato je ukupno 10 akata u vidu rješenja o otklanjanju nedostataka, dopisa, odgovora na podnesene zahtjeve i zaključaka.

Redovno se obavljao rad sa strankama, pri čemu je pružana savjetodavna ili pravna pomoć po koju su stranke došle, a koja je iz oblasti nadležnosti vodne inspekcije.

Obavljani su kontrolni pregledi, ali najveći broj inspeksijskih kontrola u izvještajnom periodu izvršen je po predstavkama, bilo fizičkih ili pravnih lica. U najvećem broju bile su kontrole vodnih akata subjekata koji iskorištavaju vodu i ispuštaju otpadne vode, zatim kontrola vodnih dozvola za lokalne i privatne vodovode (na području općine Maglaj samo 7 lokalnih vodovoda posjeduje vodne dozvole, a za jedan lokalni vodovod u toku je postupak izdavanja vodne dozvole). Potom izgradnja

potpornih – zaštitnih zidova od strane fizičkih lica, bez podnesenih zahtjeva, odnosno neposjedovanja odobrenja za građenje od strane općine, kao vlasnika javnog vodnog dobra za vodotoke II kategorije, koji se nalaze na području općine. Nakon obavljenih kontrola, gdje god je to bilo moguće, djelovalo se preventivno, tj. uz usmena upozorenja i davanje uputa o rješavanju pojedinačnog problema.

Dostavljeno:

1. Naslovu 2x
2. a/a.

Komunalno-sanitarno-vodoprivredni inspektor